



門 七 九  
雜 821  
卷 53



# 赤白痢



湯氏云小兒痢疾皆因飲食無節或餐果食肉不知厭足乃脾胃尚弱不能尅化停積於臟故成痢也熱搏則赤風寒之氣入於腸胃致令津液凝滯則成白痢或夾青者有驚積或如魚腦肚中疼甚者太抵八痢但冷熱赤白藥性雖有不同治法不相遠矣又有赤白相雜者當先去其熱積須用大黃枳實朴硝之類以去其熱毒然後黃連黃芩黃檗解其熱痢自止疼自定此妙法也如痢不止則用地榆熟艾等劑調

理自然平復脾虛者不可輕用豐粟澀滯等劑必致危困須用沒石子黃連阿膠地榆以止之方為盡善其枳殼芍藥皆要藥也噤口痢不能食者石蓮散主之香脯散亦可冷痢如豆汁肚疼者胃風湯主之脾毒痢臟熱當服香連丸黃連香薷散去桂五苓散驚茅花湯當歸芍藥枳殼地榆川芎等劑先與解毒退熱却與開胃進食分利水穀寬腸定痛先與水浸丹局方敗毒散熱初地榆飲寬腸枳殼散有熱而痢不止者三黃熟艾湯主之積滯不通者神芎丸亦可用熱甚煩躁者黃連解毒湯解之煩躁瀝火散亦効

曾赤白之痢世人莫不曰赤為陽為熱白為陰為冷或曰無積不成痢至於調治若以冷熱之劑互進或投去積之藥必難取效不究其原何由可療且四時八風之中人五運六氣之相勝夏秋人多痢疾內經曰春傷於風夏生飧泄至真要大論曰少陽在泉火淫所勝民病注泄赤白其可拘於無積不成痢之說若專以積為論豈一歲之中獨於夏秋人皆有積春冬不然蓋風邪入胃木能勝土不為暴下則成痢疾赤白交雜此為陰陽不分法當分止陰陽五苓散以導其逆理中湯以溫其胃使色歸一然後施治若一

分之後仍赤白同下則當究其所患之因若先白後赤乃內傷生冷失於蓋覆由元氣感於暑熱治法先救其裏次解暑毒若先赤後白乃先傷熱而後失蓋感冷先宜解熱後治其痢 有夾熱而痢者則下純鮮血此風能動血宜冷服黃連香薷散 吐瀉川草散及當歸散 潮熱加醋炒蒸栢葉水薑煎服或菴活散加三和湯水薑倉米煎 有挾冷而痢者則下純白凍或白上有粉紅色或似豬肝瘀血皆為陰證蓋血得寒則凝澀故也先用吡咀五苓散加守中湯 瀉煎投次以附子理中湯帶涼服或固真湯 慢驚倘不辨

其虛實冷熱妄行施治必致脾胃愈虛不能乳食成噤白痢者則難療矣又有裏急後重蓋裏急為陽後重為陰未圓前腹痛為裏急已圓後腹痛為後重故裏急者太腸澀也先以大順飲加寬氣飲 急驚和解及菴活散水薑倉米煎服次下寬腸丸後重為氣虛用吡咀五苓散加入參水薑煎服併投香連丸若二證俱作前一丸子並進或雙金飲金粟丸亦佳然瀉痢二字自是兩證糞夾水來多而順者曰瀉帶血凍白凍來三五點而痛者曰痢輕重陰陽於此而分斯為治法有膿血交雜經久不止晝輕夜重或晝夜頻

數食減痛多並用萬金散神効散主之 有五色痢者乃因五臟蘊熱日久不散故有是證蓋五臟受熱榮衛不調五穀不化熏腐臟腑神氣昏沉此候已危最苦是腹中刺痛兒小者無治法蓋五色者乃五臟之色皆見於外兒大者可用局方三神丸或小來復丹以五苓散送下或者可療若投藥如故不可爲也 又有風痢多是黃褐色與疴瀉頗同但不臭爲異耳此風毒停滯於脾宜去脾經風毒瀉黃散主之若見赤白同下久而不禁小便少澀痛熱並作唇裂眼赤氣促心煩坐卧不安狂渴飲水穀道傾陷時復面

容如粧飲食不進者難治 薛錢仲陽云瀉痢黃赤黑皆熱也瀉痢青白米穀不化皆冷也東垣云白者濕熱傷於氣分赤者濕熱傷於血分赤白相雜氣血俱傷也海藏用四君芎歸治虛弱之痢四君乾薑治虛寒之痢愚嘗治手足指熱飲冷者爲實熱用香連左手足指冷飲熱者爲虛寒用異功散送香連左若兼體重肢痛濕熱傷脾也用升陽益胃湯小便不利陰陽不分也用五苓散若濕熱退而久痢不愈者脾氣下陷也用補中益氣湯倍加升麻柴胡瀉痢兼嘔或腹中作痛者脾胃虛寒也用異功散加炮薑木香

或變而為瘧者肝剋脾也用六君升麻柴胡釣藤鈞  
若積滯已去痢仍不止者脾氣虛也用四君子送下  
香連丸若因乳母膏粱厚味六淫七情致兒為患者  
當各推其因仍兼治其母并參冷熱瀉及積滯腹痛  
等證覽之

**挾表證宜發表**羌活散 治傷風時氣頭痛發熱身

體煩疼痰壅咳嗽失音鼻塞聲重及解時行下痢  
赤白

人參 去蘆 羌活 赤茯苓 去皮  
柴胡 去蘆 前胡 去蘆 川芎

獨活

桔梗 剉炒

枳殼 去黃皮炒

蒼朮

米泔水浸一宿去蘆皮  
漉乾剉片炒至微黃色

甘草

各壹兩

右剉每服二錢水一盞薑二片薄荷三葉煎七分  
無時溫服發散風邪入葱白同煎痢證薑倉米煎

**有積宜下之湯**治痢之法若欲取積只用官局進食

丸甚穩雖取積又能治痢萬無一失積已下急以

四君子湯加豆蔻訶子補之次服厚腸香連丸得效

丹治小兒痢疾

黃連

黃芩

大黃

甘草

右煎服赤痢加紅花莖仁白痢加滑石末

治小兒赤白痢多體弱不堪下大困重者麻子壹合

炒令香熟為末每服一錢七蜜漿水和服效

水浸丹 治瀉痢先鋒之藥

黃丹 研細 巴豆 大者貳拾伍箇去皮膜研

右研勻用黃蠟半兩鎔作汁拌勻量大小旋丸水

浸吞下湯使更臨病隨意用一方黃丹壹兩巴豆

肆拾玖粒乳香貳錢麻油貳錢蠟半兩鎔汁和丸

名頓止丹又冷證加木香貳錢半

寬腸丸 治痢後裏急大腑閉澀不通

枳殼 水浸去穢剉片麥燒微黃仍

麻仁 去殼 木通 去皮 大黃 半生

檳榔 大腹皮 淨洗焙乾

右除麻仁用乳鉢極細杵外五味檳榔不過火餘

焙同研成末入乳鉢中與麻仁再杵勻煉蜜丸棗

豆大每服三十九至五十九仍以枳殼甘草煎湯

空心送下一二歲嬰孩溫蜜湯下

熱痢用涼藥海藏治赤痢用四君子加赤芍藥當歸

入粟米少許同煎 黃連解毒湯 治時疾三日已汗解苦煩悶乾嘔口



燥呻吟錯語不得卧亦治熱痢

黃連 叁錢

黃檗 半兩

梔子 肆箇

黃芩 壹兩

右判散每服三錢水一盞煎六分去滓服

溼火散 治中暑煩躁發渴口乾及治血痢

青皮 去白

赤芍藥

黃連 去鬚

地榆 各等分

右爲細末每服一錢冷水調下如畜熱而氣血妄

行加甘草

芍藥葉皮丸 治一切惡痢窘痛膿血

芍藥

黃檗 各壹兩

當歸

黃連 各半兩

右爲末滴水丸小豆大每服二三十丸熱水下加

枳殼

寬腸枳殼散 順氣止痢

甘草 陸錢

枳殼 去穰炒貳兩肆錢

右爲細末每服一錢空心沸湯點服

三黃熟艾湯 治積藏府下痢赤白及治傷寒四五

日而大下熱痢服諸藥多不止宜服之

黃芩

黃連

黃檗 各柒錢半

熟艾子半雞

右剉散每服三錢水一盞煎六分去滓溫服

地榆散 治瀉痢血痢

地榆 訶子 甘草各等分

右為末鹽米湯調下有熱加黃芩

又方

地榆 訶子 厚朴薑製各等分

右剉散每服二錢水一盞薑棗煎服

地榆飲 治冷熱痢腹痛下痢赤白頻併

地榆 甘草 芍藥

枳殼各錢半

右剉散每服一錢白水煎加黃連炒

又方

地榆 烏梅 檉皮

甘草 當歸各等分

右剉散每服二錢煎服

川草散 治腹痛下痢赤白不拘遠近

川芎 白芷 甘草半生半炙各半錢

赤芍 當歸酒洗 淨黃連各伍錢

右剉焙為末每服半錢至一錢白痢白薑湯調赤

痢甘草湯調赤白痢温米清湯調並空心服

治熱痢備急方

用井花水調臘茶蜜磨生薑渴則飲之

本事治小兒赤痢

搗青藍汁二升分四服聖惠方治小兒中蠱下血

治小兒尿血

甘草伍分以水六合煎取二合去渣一歲兒一日服令盡

錢氏黃檗丸 治小兒熱痢下血

黃檗土皮 牛兩 赤芍藥肆錢

右為末飯和丸如麻子大每服一二十九食前米飲下量兒加減

梔子丸 治小熱痢不止

梔子柒枚 黃檗叁分 黃連伍分

右五味為末蜜丸如小豆大服五丸日三夜二服不知稍加至十丸

外臺子芩湯 療小兒熱痢

子芩拾貳分 知母 黃檗 女萎各陸分 甘草各肆分

竹葉切搗

右六味切以米二升煮取一升分服甚妙  
聖惠梔子仁散 治小兒熱痢腹痛心煩口乾小便赤黃不欲飲食

梔子仁

當歸 剉微炒 各半兩

黃蘗

地榆 微炙剉 各一分

黃連 壹兩去 鬚微炒

右件藥搗細羅為散每服以粥飲調下半錢日三四服量兒大小加減

烏梅散 治小兒熱痢但壯熱多渴而痢不止

烏梅 貳枚微 炒去核

黃連 去鬚 微炒

藍葉 各壹 分

犀角 屑

阿膠 搗碎炒 令黃燥

甘草 炙微赤剉 各半兩

右件藥搗羅為散每服一錢以水一小盞煎至五分去滓放溫不計時候量兒大小分減服之  
形證治赤痢開胃散

白朮

茯苓

人參 各半 錢

石蓮子 法去皮殼 心拾箇

右為末藿香湯下半錢

孔氏治赤白痢骨立地榆一斤水三升煮升半去滓

煎如飴空腹服

黃連 例法 錢氏

加黃蘗為三聖丸 治 疴

加橘皮為橘

連丸 治 疴

加榆仁為榆連丸 治 疴

加黃芩大黃為三

黃丸治積 加阿膠茯苓為阿膠丸治痢 加訶子木

香為小香連丸治痢 加豆蔻木香為豆蔻香連丸治痢

加木香白附子為白附子香連丸治痢 加阿膠當

歸乾薑為駐車丸治痢

冷痢用溫熱藥 海藏治白痢用四君子等分加乾薑

減半入粟米少許同煎

大順飲見吐

養臟湯 主生津益氣溫腸止痢

人參去蘆 甘草炙各錢 白芍藥

白木各半 南木香錢半 肉桂去蘆皮

肉豆蔻 罌粟殼去蒂 訶子肉各壹錢半

右件吹咀每服二錢水一盞薑二片棗一枚煎七

分空心溫服或入倉米同煎

廣濟療客冷白痢

人參陸分 厚朴炙 甘草炙各肆分

茯苓 桔梗各伍分 梁州檉皮捌分

右六味切以水三升煮取一升量大小可一合為

度以瘥止息如常法

嬰孺治五六歲兒冷痢

當歸 黃連 龍骨各肆分

赤石脂

厚朴炙

乾薑

酸石榴皮各貳分

右切以水三升半煮一升六合為四服相去一炊久服

雄朱散

治小兒腸胃虛冷下痢頻併日夜疼痛不可忍

可忍

雄黃

壹分細研水飛過

乳香

細研

白礬

煨各壹錢

右為末每服嬰孩一字二三歲半錢陳米飲調下

一日三服

玉脂散

治冷痢大便色青甚則有膿

白石脂

當歸洗焙乾

丁香

白朮

炮各壹兩

草豆蔻

去皮

厚朴

生薑汁制各半兩

右件搗羅為細末每服半錢以粥飲調下量兒大小加減

小加減

治白痢艾湯

聖重艾葉

微炒

當歸

各壹兩

乾薑

炮

木香

訶梨勒皮

炮各半兩

右件搗羅為細末每服一錢水八分一盞入粟米少許煎至五分去滓溫服食前

養臟湯

治白痢頻併

瘰癧丸  
外和七  
九

當歸洗焙乾 烏梅肉炒乾 乾薑

黃耆 白朮炮 龍骨各壹兩

右件搗羅為細末每服一錢水一小盞生薑粟米各少許煎至五分去滓溫服乳食前量大小加減聖惠治秋深冷痢不止灸臍下二三寸動脉中三壯炷如麥

寒熱雜合香連丸 治赤白下痢煩渴作痛

南木香半兩不 淨黃連壹兩剉用茱萸炒仍去茱萸

烏梅肉貳錢半薄切用屋瓦慢火焙乾

右為末用阿膠半兩剉碎炒脹水化為糊候冷入

乳鉢內同前藥末亭分杵勻丸作麻仁大赤痢每服三十三丸至五十五丸或七十七丸甘草湯空心下白痢丸數同前白薑湯空心下赤白交作溫米清湯空心嘔服

金粟丸 治下痢赤白水穀不化

淨黃連壹兩 川芎 枳殼製

穀芽淨洗焙乾 赤茯苓去皮 白芷

南木香各半 神麴壹兩別研為末作糊

右除木香別剉不過火餘六味焙入木香同為末用神麴末煮糊丸粟穀大每服七十九至百丸空

寒熱雜合  
刀手  
九

心温米清湯下或不拘時

白附香連丸 治腸胃氣暴傷乳哺冷熱相雜渴痢

赤白裏急後重腹痛扭撮晝夜頻併乳食減少

黃連 木香 各壹錢 白附尖 貳箇

右末飯丸如粟米大每服十丸至二十丸米飲

下食前日夜各四五服

荳蔻香連丸 治泄痢不拘寒熱赤白陰陽不調腹

痛腸鳴切痛立効如神

黃連 炒叁分 肉豆蔻 各壹錢 木香 各壹錢

右為細末粟米飯丸米粒大每服十丸至二十

丸日夜各四服食前米飲下

木香丸 治小兒泄瀉青白膿血相雜

黃連 吳茱萸同炒 去茱萸壹兩 肉荳蔻 煨貳箇

木香 壹錢

右為細末麩糊丸如黍米大赤痢粟米飲下白痢

厚朴湯下空心服

小香連丸 治冷熱腹痛水穀利腸滑

木香 訶子肉 各壹分 黃連 半兩

右為細末米飲和丸如菉豆大每服十丸至二十

丸食前頻服之



吉氏香連丸 治赤白痢

黃連

木香

訶子皮各壹兩

肉苳蔻貳箇

子芩半兩

右未蜜丸菘豆大空心煎醋漿湯下大人十九丸小兒五丸空心日午再服煎薑蜜湯下

**白膿痢** 嬰童寶鑑論小兒腸寒即下白膿腹痛

顛顛經治孩子冷毒疳痢白膿疳疔日加瘦弱不喫食腹痛

青木香壹分

黃連半兩

右未以蜜丸如梧子大一歲以上空心熟水下

丸三歲五歲服一丸藥性熱不宜多服忌生冷聖惠收治冷熱痢二物等分

葛氏肘後雞子餅 療小兒秋夏暴冷痢腹脹乍寒乍熱白帶下

右用雞子壹枚胡粉壹丸碎絹篩合雞子黃白共搗研調熬令熟如常雞子餅兒年一歲一食半餅日再不過一餅即差兒大倍作凡羸弱不堪與藥宜與此餅

王氏手集治大人小兒純膿白痢其效如神脂附丸 大附子壹枚

右先用豬膏搗成油半盞許蘸前件附子令裂湯  
出放冷削去皮臍碾為細末以棗肉和丸大人如  
梧子大小兒如菉豆大每服五七丸至十五二十  
丸米飲湯送下空心食前服

朱氏家傳治小兒白膿冷痢臍下絞痛

訶子皮 青木香各等分

右件並為末以粳米飯丸如菉豆大米飲下五丸  
長沙醫者丁時發傳附子散 治小兒疳痢多有白

膿腹內疔痛

附子炮去皮 龍骨 赤石脂各半

蜜陀僧 黃丹 胡粉炒

烏賊魚骨燒灰 赤芍藥各壹分

右件為末每服半錢米飲下一日三服

**純血痢** 巢氏云小兒痢如膏血者此是赤痢腸虛極  
腸間脂與血俱下故也 聖惠夫小兒血痢者由熱  
毒折於血血入大腸故也血隨氣循環經絡通行藏  
府常無停滯若為毒熱所乘遇腸虛血滲入於腸則  
成血痢也 寶鑑小兒腸熱即痢下鮮血一如腸風  
外臺廣濟療小兒熱毒血痢方 地榆陸分 蜜叁分

犀角拾分 地榆陸分 蜜叁分

地麥草 伍合

右四味切以水三升煮取二升去滓量大小服之

又方

葱白 叁兩

香豉 叁合

梔子 綿裹 柒枚

黃連 壹兩

右四味切以水二升煮取九合去滓分服

外臺劉氏療小兒血痢方

地榆

黃檗

黃連

黃芩 各陸分

馬藺子 貳分

茜根 壹兩

生薑 叁分

右七味切以水二升煮取一升分服大小量之與

一合至二合為度

陳藏器小兒寒熱丹毒中惡注忤痢血方

右竝煮草犀根汁服之更良生水中者名水犀也

食醫心鑑治小兒血痢方

右取生馬齒莧絞汁一合和蜜一匙七空心飲之

聖惠治小兒血痢煩熱口乾腹痛黃連散

聖惠黃連 去鬚 微炒 犀角 屑 白蘘荷根

黃芩 不信 微炒 蔓青根 小兒煎 吳藍 各壹兩

白頭翁 叁分 甘草 炙 微判 當歸 剉 微炒 各半兩

右件藥搗麤羅為散每服一錢水一小盞煎至五分去滓不計時候量兒大小分減服之

聖惠治小兒血痢不差馬齒菜汁粥方

馬齒菜汁 壹合 蜜 半合 粟米 壹合

右以水一大盞煮作粥後入二味和調食前服之

張渙水蓼丹 治血痢疳瘦

蛇蛻皮 燒灰 雞頭殼 燒灰存性

胡黃連 水蓼 各半兩已上各搗羅為細末次用

朱砂 半兩 真蓳薈 牛黃

粉霜 各細研 壹分

右件都拌勻再研細軟飯和如黍米大每服五粒

至七粒麝香湯下量兒大小加減不拘時候

張渙治熱乘於血滲入腸胃其病則赤黃連丹方

黃連 去鬚 當歸 洗焙乾 白頭翁

蔓青根 湯洗焙乾 木香

川棟子 麪裹炮 各半兩

右件搗羅為細末粳米飯和丸黍米大每服十粒

米飲下量兒大小加減

張渙茜根湯 治血痢不差

茜根 地榆 黃連 去鬚

赤石脂

黃蘗各半兩

阿膠炙熟各壹兩

甘草炙

右件藥搗羅為細末每服一錢水八分煎至五分去滓放溫服

張渙厚腸丹 治血痢腸虛

黃連去鬚

川棟子各壹兩

木香

阿膠炙

吳茱萸微炒

當歸洗焙乾各半兩

右件搗羅為細末粟米飯和丸黍米大每服十粒米飲下乳食前量兒大小加減  
張渙聖効散 治血痢久不差

赤石脂燒赤

白龍骨

阿膠炙各壹兩

訶梨勒皮

木香

乾薑炮

黃連

甘草炙各半兩

右件搗羅為細末每服半錢煎粟米飲調下食前

張渙必效丹 治血痢頻併

川黃連去鬚

大棗半升

乾薑壹兩

白礬半兩

右件用瓦器盛鹽泥固濟留一竅子以木炭火燒煙息為度取出搗羅為末白麵糊和丸黍米大每服十粒米飲下量兒大小加減

錢乙附方 治小兒熱痢下血

黃蘗去皮半兩 赤芍藥肆錢

右同為細末飯和丸麻子大每服二十粒食前米飲送下大者加丸數

吉氏家傳治小兒血痢方

右用宣連為末以雞子搜作餅子炭火煨令通赤便蓋着勿令泄氣候冷細研空心米飲下半錢大人一錢以意加減服

又方

右只用熟水調下好鬱金末半錢

吉氏家傳地榆散 治小兒血痢日久不差

地榆壹分 訶子伍箇炮 陳槐

黃連各壹錢炒

右為細末每服半錢或一錢陳米飲下

**膿血相雜痢聖惠夫小兒膿血痢者由熱毒在臍血得熱則流溢滲入大腸與腸間津液相搏積熱蘊結血化為膿腹虛則泄故成膿血痢也**

葛氏肘後小兒毒下及赤滯下如魚腦白頭翁丸方

白頭翁叁分 黃連陸分 石榴皮叁分有

榴皮用犀角屑叁分

右三物以水二升煮取八合兒生四十日以五合為三服大者則加藥

肘後乳母方

扁豆莖

壹升炙令乾乃切之

人參

叁兩

右以水三升煎取一太升半去滓取汁煮粟米粥與乳母食之良常徧蓋覆乳勿冷佳又法乳母常食粥仍欲乳兒先捨去少許即當佳

肘後近效方療小兒三歲即患痢初患膿少血多四日膿多血少日夜四十餘行朱子丸方服即效

生地黄

汁伍小合

羊腎脂

壹小合

右先溫腎脂令煖分三四服立效乳母須禁食并有乳母方在前

千金黃蘗湯

治小兒夏月傷暴寒寒折大熱熱入

胃下赤白滯如魚腦壯熱頭痛身熱手足煩此太陽之氣外傷於寒使熱氣便入胃也服此方良若悞以利藥下之或以溫脾湯下之則熱劇以利藥下之便數去赤汁如爛肉者或下之不差後以澀熱藥斷之下既不止倍增壯熱者服之即效或是溫病熱盛復遇暴寒折之熱入腹中下血如魚腦者服之良

黃檗

黃連

白頭翁一作白斂

升麻

當歸

牡蠣

石榴皮

黃芩

寄生

甘草各一分

犀角

艾葉各壹分

右十二味咬咀以水三升煮取一升二合百日兒至二百日一服三合二百餘日至暮歲一服三合半

千金治小兒赤白滯下雜方 薤白壹把豉壹升以

水三升煮取一升分三服 栢葉麻子末各壹升

以水五升煮三沸百日兒每服三合 亂髮灰鹿

角灰等分三歲兒以水和服三錢七日三 牛角

鰓灰水和服三方寸七 搗石榴汁服之 燒蜂

房灰水和服之 生地黃汁白蘘荷根汁各伍合

微火上煎 單服生地黃汁一合

聖惠吳藍散 治小兒膿血痢如魚腦腹痛

吳藍

川升麻

赤芍藥

龍骨各壹兩

梔子仁半兩

右件藥搗麤羅為散每服一錢水一小盞入豉三七粒煎至五分去滓不計時候量兒大小分減溫服



樗根皮散 治小兒膿血痢如魚腦困重

臭樗根皮 壹分判 炒微黃

黃連 去鬚 微炒 蕪荑 微炒

枳殼 去瓢 炒微黃 赤芍藥 各半

右件藥搗羅羅為散每服一錢以水一小盞入豉三十粒葱白一莖煎至六分去滓不計時候量兒大小分減溫服

人參散 治小兒膿血痢多時不差腹痛羸瘦不欲飲食

人參 去蘆 頭 炒 當歸 判微 炒

阿膠 搗碎 炒 令黃燥 黃連 去鬚 微炒 地榆 微炙 子芩

黃蘗 微炙 赤芍藥 蕪荑 微炒

厚朴 去麋皮 塗生薑汁 炙令香熟 各半兩 右件藥搗羅羅為散每服一錢以水一小盞入葱白一莖豉五十粒煎至五分去滓不計時候量兒大小分減溫服

雞屎礬丸 治小兒膿血痢不差漸加瘦弱

雞屎礬 燒灰 龍骨 阿膠 搗碎 炒 令黃燥

黃連 去鬚 微炒 各壹兩 胡粉 壹分 炒 微黃 右件藥搗羅羅為末煎醋為膏和丸如菽豆大每服以煖漿水下七九日三四服量兒大小以意加

減

養生必用黃連阿膠丸 治熱痢下重膿血疼痛腹中痛不可忍老人產婦虛勞人小兒並宜服

黃連

去髮壹兩半

白茯苓

白芍藥

阿膠

碎碎慢火炒如珠子白

右三物為細末斟酌米醋多少熬膠得所和勻入白杵萬下衆手丸如菽豆大每服自二十九為始止於五十九食前温米飲下日二三以知為度未知加藥更丸一等如黃米大與小兒服

燔髮散

治腸澼下膿血

白石脂

壹分

髮

燒

甘草

各壹分

右為末米汁和二方圭日二服

張漢建胃丹

治泄利兼膿血日漸羸瘦

黃連

壹兩去

白礬

壹分枯

烏梅肉

炒

龍骨

白石脂

神麩

炒

乾薑

各半

右件搗羅為細末醋煮麩糊和丸黍米大每服十粒米飲下量兒大小加減

青橘丹

治冷熱相交赤白相雜膿血

青橘皮

湯浸去

當歸

湯洗

黃連

乾薑

各壹兩

厚朴

生薑製

肉豆蔻

各半兩

右件搗羅為細末白麩和丸黍米大每服十粒米

飲下食前

長沙醫者王允傳通神丸

治小兒大人痢疾下膿

血裏急腰重臍腹疼痛

沒藥

五靈脂

乳香

各研細

巴豆

染放去皮心膜壓出油

右四味同研令細勻滴水為丸如粟米大每服一  
粒生木瓜研水下不拘時候

**五色痢**形證論歌曰五色之痢最多端見此方知有

五般青色只因驚積聚黃多食積在脾間白色冷虛  
腸胃患赤為積熱最難安雞肝隱積多成片黑血相  
和不易安唇搐胸高兼露齒臉紅筋出每居前急安  
藏府和湯散醫者留心按古賢又歌曰五色之痢  
莫言奇四歲之前始有之青色只因驚積聚黃因食  
積毒於脾赤黑已知心腎病白多殘害是脾為三七  
以前無變動休令多睡飲餐遲此疾且須和五藏  
補榮衛方漸漸安瘡如目腫不進飲食惡候只與  
調胃散補之

漢東王先生鮓湯丸

治小兒瀉痢五色膿血如爛

魚腸並無大便只是膿血腸中攪痛

粉霜

輕粉

硃砂各壹

朱砂抄壹

白丁香肆錢

乳香別研

巴豆米粒去皮

右為末蒸棗肉丸每服嬰孩三丸如粟米大二三

歲如大麻子大四五歲亦如麻子大並旋總成丸

煎鮮湯吞下一日二服間調胃氣藥與之

三十六種內治下五色惡物心神煩熱不止方

地榆

白茯苓

黃蘗各壹兩

右為末每服一錢水一盞煎至五分去滓分三服

三霜丸

治小兒赤白或五色積痢

巴豆

去皮揀選白色肥好者去錢研細先用白

絹包三二十重次用白紙外面包定太

右

右三味同研勻極細別取好黃蠟參錢酒煮三二

十沸取出去酒令淨再鎔入藥和之如有煮酒蠟

亦堪用和成劑油單內盛如服食旋丸如小菘豆

大三歲以下如粟米大每服三五丸溫熱水下量

兒太小加減

吉氏家傳治五色痢兼渴不止方

茯苓

宣黃連

黃蘗各等

右件取黃蘗末以漿水如麪糊良久和前二味為  
丸如菉豆大三歲米飲下七丸殺疳熟水下五丸  
至聖丸 治五色痢

厚朴 去皮  
薑製

黃蘗 略去皮以雞子白塗  
炙黃熟如乾再上

當歸 酒浸

右三味等分細末煉蜜為丸如梧桐子大小兒細  
丸厚朴湯下每服四十九丸加減

定粉散 治疳痢五色痢

定粉

龍骨

黃丹 煨過各  
貳錢

訶子 參薑煨  
熟取肉

右為末每服半錢粥飲下三歲以上半錢

**噤口痢** 石蓮散 治小兒噤口痢噤逆不食止而復

作

蓮肉 炒

右為末每一錢米飲調服 一方用山藥為末米

飲調下亦可

香脯散 治小兒刮腸下痢噤口不食閉眼合口至

重者

精豬肉 壹兩薄  
批

膩粉

右將肉於炭火上覆炙旋鋪膩粉炙令成脯每以

痢

切

百

少許與喫如未知喫且放鼻間自然要喫此方治  
胃口有毒至奇至妙

丹小兒噤口痢釀乳法

厚朴

枳殼各伍分

白朮

芍藥各半兩

滑石壹兩

木通

陳皮

甘草各伍分

右分四貼細研桃仁柒枚水二盞半煎取一盞與  
每服服時去宿乳令盡為妙

休息痢肘後治下痢經時不止者此成休息方

取龍骨炙令黃焦搗服方寸七日三服即愈

又方

用龍骨肆兩搗如小豆大水五升煮取二升半冷  
之分為五服效

保生信效松焙餅子 治一切塊癖積滯氣血痲聚

等一二十年者

細墨焙

堯花醋浸炒

青礞石

大戟

乾漆炒

五靈脂

京三稜

蓬莪茂

蜜陀僧

陳橘皮去白

牡蠣燒各半兩

巴豆壹兩去皮用濕紙卷

處裏燒

大乾棗拾肆箇去核燒存性

初休息痢

方寸

方寸

白丁香

斑猫各壹分

硃砂研

蟲蟲去翅足

右同為細末醋者麩糊丸如皂子大捏作餅子記以所傷物煎湯或麩湯送下一丸須以齒齧嚥之其積漸漸移近下再服再覺移下更一丸則積自下若尋常要宣轉只以麩湯下血積塊癖經血閉塞大人小兒久痢膿血休息惡痢皆治之  
玉命丹 治小兒久患赤白痢及休息痢不止腹肚虛鳴日漸羸瘦擗眉多喫泥土可食者  
硃黃研 蜜陀僧 黃丹各半兩

寒水石

赤研勻細

白礬

麝香壹字

右件六味研勻以蒸餅為丸如小菘豆大每服十粒用烏梅甘草煎湯下大小加減忌生冷毒物鮓麩等

蠱痢巢氏病源小兒蠱毒痢候歲時寒暑不調而有毒厲之氣小兒解脫為其所傷邪與血氣相搏入於腸胃毒氣蘊積值大腸虛者則變痢血其痢狀血色蘊瘀如雞鴨肝片隨痢下此是毒氣盛熱食於人藏狀如中蠱故謂之蠱毒痢也 石壁經脾毒痢歌曰

脾間有毒號純陽本為醫人熱藥傷致使大腸多結  
 澀多饒滴血在粘腸如風腹閉難開眼身熱頭温脚  
 轉凉舌赤胸高為此候多喘喘急更如狂先須解熱  
 并開胃便是明醫用藥良此脾受熱積失治則伏  
 毒治當涼脾次去其積若胸前骨忽然高者更加喘  
 急則不治也鳳髓經歌同有注云宜與金華散實  
 香連丸即吉氏香連丸見前條形證論風毒痢歌入痢之中  
 風轉難形如青草汁多般毒風豆汁添邪熱胃敗雞  
 肝片片金加赤不須先下積閉時食絕不堪看若歸  
 白痢還須下藏府頻温得本源

千金治下血狀如雞肝腹中攪痛難忍號中蠱毒痢方

茜根 升麻 犀角各參兩

桔梗 黃藥 黃芩各貳兩

地榆 白蘘荷各肆兩

右八味咬咀以水九升煮取二升半分三服此蠱  
 痢血用之小兒分減服

圖經治蠱痢方

側柏葉焙乾為末 川黃連等分

右二味同煎為汁服之以療男子婦人小兒大腹  
 下黑血茶脚色或膿血如淀所謂蠱痢者治之有



殊効又能殺五藏蟲

子母祕錄小兒蠱毒痢方

右用生地黄汁一升二分三四服立效

聖惠蘘荷散 治小兒蠱毒痢不止身體壯熱煩悶

白蘘荷根

川升麻各壹兩

敗鼓皮壹分炙

甘草炙剉

乾藍葉各半兩

赤芍藥

犀角屑各參分

右件藥搗麤羅為散每服一錢以水一小盞入鼓

二七粒煎至五分去滓不計時候量兒大小分減

溫服

聖惠黃連散 治小兒蠱毒痢血體瘦

黃連壹兩去鬚微炒

敗鼓皮炙令焦

白頭翁

甘草炙剉

藍青各半兩

犀角屑

白蘘荷根

黃芩

茜根剉各參分

右件藥搗麤羅為散每服一錢以水一小盞煎至

五分去滓放溫不計時候量兒大小分減服之

聖惠犀角散 治小兒蠱毒血痢發盛心神煩悶腹

脹不欲飲食

犀角屑

白蘘荷根

地榆微炙

桔梗去蘆頭

蘇枋木剉各參分

右件藥搗麤羅為散每服一錢以水一小盞煎至五分去滓不計時候量兒大小分減溫服

嬰孺藜荷根湯 治小兒蠱毒痢

白藜荷根 捌分 犀角 屑

升麻 拾分 甘草 肆分

豉 叁合 芍藥 柒分

穀皮 肆寸 藍青 壹升

右以水四升煮一升二合一合二歲兒為三服

嬰孺犀角煎 治小兒穀痢拔毒

地脉草 黃連

黃藥 竹茹 葳蕤 各拾分 茜草 各捌分

蜜 壹升

人參 陸分

牡蠣 拾分

梁州樛皮 拾肆分 乾藍 肆分

犀角 屑

甘草 各伍分

右切以水一斗煮及二升半絞去滓下蜜火上煎餘二升三歲一合三四歲一合半日一夜一量與之

張渙白頭翁散 治蠱毒痢及肛門脫出

白頭翁 黃連 去鬚 微炒 茜根 剉焙 乾

蘇枋木 故舊鼓皮 各壹兩 黃焦

犀角 屑 地榆 炙剉各半兩 甘草 壹分

右件搗羅爲細末每服一錢水一小盞煎六分去滓服量兒大小加減乳食前

地榆丹 消毒止痢

地榆 炙坐

黃連

乾藍葉

川升麻 各壹兩

川棟子

苦棟根 各半兩

右件搗羅爲細末軟飯和丸黍米大每服十粒米飲下量兒大小加減乳食前

宣連丸 治毒痢

宣連 壹錢作散用雞子清和作餅於瓦上燒乾再爲末

肉豆蔻 壹箇去心臍內

入乳香不拘多少紙裏火煨黃色

朱砂

木香 各半錢

杏仁 米粒和皮燒

巴豆 肆粒燒赤粒亦得

右爲末醋糊丸如蘿蔔子大陳米飲下七粒赤痢槐花湯下

寶童方 治藏毒痢爲喫諸藥不愈者

槐花 半兩炒

白礬 壹兩

右爲末每服一錢用陳米飲下

孔氏家傳治蠱小品方

取薺苳根搗末以飲服方寸七立差 一方可入地榆臭椿根同服

收溼雙金飲 治下痢赤白晝夜頻數及泄瀉經久

大罌粟殼

去帶剉碎蜜水炒透候乾壹兩

大川芎

醋炒透

右二味再曬或焙為末每服二錢至一錢用古米清湯空心調服或溫蜜湯下

萬金散

治水瀉下痢久不瘥者

罌粟殼

去帶貳兩一兩剉碎醋蜜炒一兩生用

甘草

不去節貳兩一兩炙

生用

陳皮

去白貳兩

烏梅

和核壹兩

右碎每服二錢熱湯一盞略煎一沸和香傾出盤內

上以盞蓋定候澄清去渣空心溫服

神效散 治赤白痢晝夜頻數食減腹痛小便不利

罌粟殼

去帶剉碎

白芷

烏梅

和核各壹兩

撫芎

各半兩

右碎每服二錢水一盞煎七分空心溫服

**補養** 補中益氣湯

虛熱

四君子湯

吐瀉

六君子湯

吐瀉

果功散

吐瀉

參苓白朮散

不乳食

升陽益胃湯

黃耆

貳錢

半夏

人參

甘草

炙

白朮

黃連

炒各壹錢

獨活

防風

白芍藥

羌活 各伍分

陳皮

茯苓

柴胡

澤瀉 各叁分

右水二鍾薑三片棗二枚煎四分食遠服

# 瀉痢兼證

**渴**巢氏病源小兒利兼渴候此是水穀利津液枯竭  
 腑臟虛燥則引飲若小便快者利斷渴則止若小便  
 澀水不行於小腸滲入腸胃渴亦不止利亦不斷凡  
 如此者皆身體浮腫脾氣弱不能尅水故也亦必眼  
 痛生障小兒上焦本熱今又利下焦虛上焦熱氣轉  
 盛熱氣熏肝故也 茅先生以為食傷脾胃所致先  
 用醒脾散勻氣散調一日後下調中飲三方俱夾乳  
 香散瀉龍涎膏瀉調理即愈 千金單搗冬瓜汁飲

瀉痢兼證

方寸七

百六

乏

千金治少小壯熱渴引飲下痢龍骨湯

龍骨

甘草灸

大黃

赤石脂

石膏

桂心

寒水石

菰蔞根各貳兩

右八味治下篩以酒水各五合煮散合二沸去滓

量兒大小服之

外臺麥門冬湯 療少小夏月藥大下後胃中虛熱

渴

麥門冬去心

甘草灸各肆分

枳實灸

黃芩

人參各叁分

龍骨陸分

右六味切以水二升煮取九合去滓分溫服

外臺樺皮飲子 療小兒渴痢

梁州樺皮拾貳分

菰蔞

茯苓各捌分

人參陸分

粟米貳分

右五味切以水三升煮取一升二合去滓分服量

大小與之

外臺劉氏療小兒痢渴不徹肚脹不能食方

訶梨勒皮陸分

桑葉拾分灸末

右二味切以水一升煮取五合去滓分服之亦治

寫刺康登渴

刀針

行

大人

子母祕錄小兒赤白痢渴及得水喫又嘔逆方

右炙楮葉令香黃以飲漿半升浸楮葉使水綠色然後去葉以木瓜壹箇切內葉汁中煮三二沸去木瓜使煖細細服渴停

聖惠黃耆散 治小兒痢渴心胸煩悶不欲飲食

黃耆剉 麥門冬去心 黃芩各參

烏梅肉參枚 龍骨壹兩 白朮

黃連微炒去鬚

右件藥搗麤羅為散每服一錢以水一小盞煎至

五分去滓不計時候量兒大小分減溫服

黃芩散 治小兒痢渴不止

黃芩 訶梨勒煨用 樗株皮各半

菘菹根 黃連去鬚 當歸剉微炒

烏梅肉壹分

右件藥搗麤羅為散每服一錢以水一小盞煎至五分去滓不計時候量兒大小分減溫服

當歸散 治小兒痢渴腹內疼痛不止

當歸剉微 黃連微炒 黃耆剉各

乾薑剉裂 甘草炙微赤

右件藥搗麤羅為散每服一錢以水一小盞煎至五分去滓不計時候量兒大小分減溫服

龍骨散 治小兒痢渴體熱煩悶

白龍骨 壹兩

胡黃連 半兩

茯神

人參 去蘆

茅根 剉

麥門冬 去心焙 各叁分

右件藥搗麤羅為散每服一錢以水一小盞煎至五分去滓不計時候量兒大小分減溫服

藍葉散 治小兒痢渴煩熱不止

藍葉 貳分

赤茯苓 壹分

赤石脂 壹兩

黃連 微炒 去鬚

冬瓜仁

醋石榴皮 剉碎

甘草 各半兩

右件藥搗麤羅為散每服一錢以水一小盞煎至五分去滓入蜜半茶匙更煎三兩沸不計時候量大小分減服之

地榆散 治小兒痢渴或下五色惡物心神煩熱不止

正

地榆

白茯苓

黃檗 微炙剉 各壹兩

右件藥搗麤羅為散每服一錢以水一小盞煎至五分去滓不計時候量兒大小分減服之

黃連散 治小兒痢渴煩熱喫水不知足

黃連散



黃連

去鬚微炒

牡蠣

燒為粉各半兩

烏梅肉

微炒

甘草

炙微

訶梨勒

煨用皮各壹分

右件藥搗麤羅為散每服一錢以水一小盞煎至五分去滓不計時候量兒大小分減溫服

檉皮散

治小兒痢渴不止

檉株皮

壹兩

菰藪根

白茯苓

各叁分

人參

半兩去蘆頭

右件藥搗細羅為散不計時候以粟米飲調下平錢量兒大小以意加減

甘草散

治小兒痢渴不止

甘草

炙微

烏梅肉

微炒各壹兩

訶梨勒

用皮

右件藥搗麤羅為散每服一錢以水一小盞入生薑少許煎至五分去滓放溫不計時候量兒大小分減服之

黃芩丸

治小兒痢渴不止壯熱腹痛

黃芩

菰藪根

黃連

去鬚微炒

當歸

剉微炒各叁分

臭檮株皮

炙微

訶梨勒

煨用皮各半兩

烏梅肉

伍枚微炒

右件藥搗羅為末鍊蜜和丸如菉豆大每服以粥飲下七九日三四服量兒大小加減服之

太醫局人參散 調中和氣止嘔逆除煩渴治昏困  
多睡乳食減少及傷寒時氣胃氣不順吐利止後  
躁渴不解

人參去蘆頭

甘草炙剉

白茯苓去皮

藿香葉各壹分

木香

乾葛剉貳兩

右件為末每服一錢水一中盞煎七分去滓放溫服不計時候

嬰孺子芩湯 治小兒大熱痢兼渴增寒

子芩

枳殼炒

黃檗各肆分

石膏拾貳分

竹葉切壹升

檉皮拾分

人參柒分

右以水五升煮一升六合七歲兒為三服四五歲兒為四服以次量與之服

菰蘆湯 治小兒有熱不調渴痢

菰蘆

知母

茯苓各捌分

甘草

黃檗各肆分

人參陸分

黃芩

檉皮各拾分

右以水五升煮一升半五六歲兒為三服

冬瓜湯 治小兒渴不止痢不住

冬瓜切捌合

菰蘆拾貳分

茯苓

寫阿康登海

切廿

三

知母各捌分

麥門冬伍分

粟米貳合

右水五升煮一升四合新布絞去滓量兒與之

張渙建胃散 治泄瀉身熱煩渴

厚朴去麤皮生薑汁製炙香熟

川黃連

肉豆蔻各壹兩

縮砂仁

乾薑炮

白朮炮

木香各半兩

右件搗羅為細末每服一錢水一小盞入生薑粟

米少許煎至五分去滓溫服

碧香丹 治小兒吐利後大渴不止不得眠睡甚則

成疳

天竺黃

龍骨

不灰木燒赤

赤石脂各壹兩為末

鐵粉

定粉

鉛白霜

細蛤粉各壹兩並細研

右件通拌勻入麝香半兩同研勻滴水和丸如雞

頭大每服一粒至兩粒用炮螺兒兩箇研細沸湯

浸水沉極冷化下大渴即與服神驗

寶鑑竹茹丸 治小兒渴瀉

黃連

壹兩好者剉作塊子一相似茱萸壹兩二味相和滴蜜炒令黃赤色去子茱萸

右件為末薄糊為丸如蘿蔔子大每服十九竹茹

煎飯飲吞下

人參白扁豆散 治脾胃不和不思飲食吐瀉渴水  
及小兒虛熱煩躁

人參

白扁豆去皮炒熟

白朮

茯苓各壹兩

罌粟子

甘草炙

山藥各半兩

右為末每用二錢水一中盞入薑二片棗半箇同煎至七分通口服如腹疼痛加紫蘇煎小兒虛熱加薄荷同煎

吉氏家傳治五痢喫湯不徹肚脹不食方

訶子皮

桑白皮各陸錢

右水二升煎三合服之立差

吉氏六神丸 治疳瀉渴飲無度

木香

丁香

豆蔻以麪裹此

火煨候麪熟為度

史君子去殼

訶子去核各半兩

蘆薈壹兩

右件為末棗肉丸如菉豆大每服三五丸米飲吞下

**腹痛** 聖惠黃連散 治小兒久赤白痢不止腹痛羸

弱不欲飲食

黃連壹兩去須微炒

厚朴去麁皮塗生薑汁炙令香熟

乾薑炮裂

龍骨各半

烏梅肉壹分

右件細末每服以粥飲調下半錢日三四服量兒

大小加減服之

黃檗丸 治小兒久白痢腹脹疔痛

黃檗微炙 當歸微炒

右件藥搗羅為末煨大蒜和丸如菽豆大每服以

粥飲下七九日三四服量兒大小加減服之

木香散 治小兒久赤白痢腹脇疼痛

木香

當歸微炒

艾葉微炒

黃牛角鯁燒灰

木香

木賊

右件藥搗細羅為散每服以粥飲調下半錢日三

四服量兒大小以意加減

肉豆蔻散 治小兒久赤白痢腹內疔痛全不思食

漸至困羸

肉豆蔻參枚

當歸令香

熟香

右件藥搗細羅為散每服以粥飲調下半錢日三

訶梨勒煨用

黃連去鬚微炒

臭樗株皮微炙

青橘皮湯浸去白瓢焙

黃牛角鯁微炙

地榆

厚朴去麤皮塗

黃連去鬚微炒

乾薑壹分炮

四服量兒大小臨時加減

龍骨丸 治小兒久赤白痢不止腹痛

白龍骨

黃連

黃檗

木香

訶梨勒

胡粉

白礬

乾薑

當歸

右件藥搗羅為末煉蜜和丸如棗豆大每服以粥飲下五九日三四服量兒大小臨時加減

錢氏小香連丸

張煥順胃丹

治瀉利蟲煩腹痛

高良薑

乾漆

肉桂

白朮

肉豆蔻仁

右件搗羅為細末白麩糊和丸如黍米大每服十粒粟米飲下量兒大小加減

建中丹

治泄注不止腹痛多啼

胡椒

蓬莪茂

肉豆蔻

全蠍

右件為細末白麩糊和丸如黍米大每服十粒米飲下

九籥衛生固氣丸 療小兒脾胃虛怯泄瀉腹痛

用絕大肉豆蔻壹枚劈破填滴乳香壹塊用醋麩

寫列錄 登腹痛 方計七

裹慢火內煨候麩熟為度去麩不用將肉豆蔻乳香同為細末麩糊和丸如菘豆大每服二十九乳食前米飲下

張氏聖餅子 治小兒久痢腹痛脫肛下血

神麩壹兩 膩粉壹錢

右件二味拌合令勻後以雞子清調拌上件藥稀稠得所捏作餅子如錢大小於火上炙令黃熟每服一餅於早晨空心同油餅喫之後進飲少許

吉氏紫霜丸 治小兒久積胸高羸瘦赤白痢疾肚腹痛甚

丁頭代赭石半兩火煨五遍醋淬五遍

乳香 朱砂

宣黃連壹分去頭 輕粉半錢

肉豆蔻貳箇麩裹炮 巴豆拾粒取霜

右為細末稀麩糊為丸如梧桐子大每服七丸至十五丸紫蘇飯飲吞下

羸瘦巢氏云小兒腸胃虛弱受風冷聖惠作挾瘴氣則下利

利斷後脾胃尚虛穀氣猶少不能榮血氣故羸瘦外臺劉氏療小兒痢後虛手足心熱痢縱未斷亦可服之方

橘皮

生薑

各參分

右二味切以牛乳半升煎取四合去滓分溫服之  
聖惠桔梗丸 治小兒久利不斷肌體羸瘦食不消

桔梗

去蘆頭

神麩

微炒各壹兩

麥蘖

烏梅肉

微炒

厚朴

去蘆皮塗生薑草汁炙令香熟

白朮

人參

去蘆頭

赤石脂

黃芩

龍骨

桂心

甘草

炙微赤剉各半兩

黃連

壹兩半去鬚微炒

黃雌雞骨

壹具淨洗

右件藥搗羅為末煉蜜丸如菉豆大每服以粥飲

丁丑九日三服量兒大小加減服之

雄黃散

治小兒久痢不差羸瘦壯熱毛髮乾焦不能飲食

雄黃

朱砂

蘆薈

青黛

龍膽

去蘆頭

熊膽

去鬚

麝香

各細研

當歸

剉微炒

黃連

微炒

黃檗

微炙

甘草

炙微赤剉

白芷

剉

細辛

乾蝦蟇

壹兩塗酥炙令黃焦

蚱蟬

去足

乾蝦蟇

壹兩塗酥炙令黃焦

右件藥搗細羅為散入研了藥更研令勻每服以井華水調下半錢日三四服量兒大小以意加減



雞子粥 治小兒下痢不止瘦弱

雞子 壹枚

糯米 壹合

右煮粥臨熟破雞子相和攪勻空腹入少醋食之

張煥龍骨湯 治小兒痢久成疳漸漸黃瘦

龍骨

訶梨勒皮 炮

赤石脂 各半兩

醋石榴皮 炒黃

木香

史君子仁 各壹分

右件搗羅為細末每服半字至一錢點麝香湯調

下

浮腫惠濟論小兒痢瘥後遍身腫候歌 冷痢日久

失醫治遍身浮腫却如吹脉洪是氣化為水沉實還

因積有之順氣腫消為上法氣平兩日定多食上

食飽還憂滯此疾元因積損脾

惠濟論塌氣散

懷香

白牽牛

甘草 各炒

木香 各壹錢

右為末每服半錢紫蘇湯下

止渴聖効散 治小兒因吐利氣虛津液減耗生疳

煩渴飲水不休面腫脚浮腹大頭細小便利白全

不與食

乾葛

白芷

各貳兩一兩炒黃一兩生用

瀉痢兼證

外科七

百五

細墨貳兩一兩火煨

黃丹貳兩一兩

兩生用

右同為細末每服半錢倒流水調下

心齋論屢屢增

身熱而痛者必面赤或壯熱四肢煩手足心熱見之挾  
冷而痛者必面色或白或青手足冷者見之冷甚而  
變證則面黧唇口俱黑爪甲皆青矣熱證四順清涼  
飲裏熱加青皮枳殼冷證七氣湯加辣桂調蘇合香  
丸若邪正交攻冷熱不調桔梗枳殼湯加青皮陳皮  
木香當歸為妙若內吊等證則釣藤散夜喘其餘則  
芍藥甘草湯為要藥也實痛有熱者大柴胡湯傷寒

# 腹痛

揚夫腹痛者多因邪正交攻與臟氣相擊而作也挾  
熱而痛者必面赤或壯熱四肢煩手足心熱見之挾  
冷而痛者必面色或白或青手足冷者見之冷甚而  
變證則面黧唇口俱黑爪甲皆青矣熱證四順清涼  
飲裏熱加青皮枳殼冷證七氣湯加辣桂調蘇合香  
丸若邪正交攻冷熱不調桔梗枳殼湯加青皮陳皮  
木香當歸為妙若內吊等證則釣藤散夜喘其餘則  
芍藥甘草湯為要藥也實痛有熱者大柴胡湯傷寒

腹痛

刀斗七

百五

主之心腹痛甚有實熱者大承氣湯傷寒下之腹痛  
桂枝加芍藥痛甚桂枝加大黃二方並見痘疹薛小兒腹  
痛口中氣冷不思飲食脾土虛寒也用調中丸食不乳  
主之口中氣溫大便酸臭積痛也用下積丸治之面  
赤壯熱或手足並熱實熱也用瀉黃散脾瀉之面黃  
微熱或手足並溫虛熱也用異功散吐瀉補之若作  
渴飲湯胃氣虛熱也用白朮散渴若痛連兩脇肝木  
乘脾也用四君子湯吐瀉加柴胡芍藥若腹痛重墜  
脾氣下陷也用補中益氣湯虛熱加升麻若手足指  
冷或吃逆泄瀉寒水侮土也用六君炮薑肉桂不効

急加附子若服剋滯之藥致腹作痛按之不痛脾氣  
復傷也用五味異功散中脘痛者屬脾少腹痛者屬  
腎按之痛者為積滯不痛者為裏虛積滯者消之虛  
者補之 婁氏分曲腰乾哭無淚者為盤腸內釣痛  
面眇白不思食為胃冷痛 面赤唇焦便黃為熱  
痛 面黃白大便醋臭為積痛 口淡而沫自出為  
蟲痛 曾氏又有臟寒痛鎖肚痛癥瘕痛疝痛癖痛  
吊腎痛偏墜痛寒疝痛 各有治法今臚列於後  
寒痛茅先生歌云面青面白猶自可黑色如青瓜一  
同此是腹心生冷痛須將溫藥裏頭攻 錢氏云胃

虛冷面皸白色腹痛不思食當補益脾益黃散主之  
若不<sub>レ</sub>下利者調中丸主之益黃散治下利而痛也  
調中丸治不利而痛也  
曾氏臍寒痛議附胎寒論後

益黃散 脾

調中丸 即理中丸

白朮

人參

甘草 炒各半兩

乾薑 炮肆錢

右為細末蜜丸如菉豆大每服五七丸至十五丸  
食前溫水下海藏云仲景  
理中例也

當歸散 凡小兒夜啼者藏寒而腹痛面青手冷不

吐乳是也宜此方服之效

當歸 去土蘆頭

白芍藥

人參 各壹錢

甘草 炙分

桔梗

陳皮 各壹錢

右咬咀煎五分時時少服愈

七氣湯 治七氣所傷痰涎結聚心腹亦痛不能飲

食

半夏 製焙伍兩

人參

辣桂 去皮各壹兩

甘草 半兩

右剉細每服三錢水一大盞薑五片棗一枚煎食  
前服

即大七氣湯每三稜

指迷七氣湯

治七情相干陰陽不升降氣道壅滯

攻衝作疼

青皮

陳皮

桔梗

蓬朮

辣桂

益智仁各壹兩

香附子壹兩半

甘草

加半夏製各半錢半

右剉細每服三錢水一盞薑四片棗一枚煎至七分不拘時服

張渙寬中湯

治心腹疼痛不可忍者

高良薑

木香各半兩

丁香

青橘皮炒黃

桔梗

甘草炙各壹分

右件搗羅為細末每服半錢溫酒調下

蓬莪朮丹

蓬莪朮

炮製乘熱剉碎當歸洗焙乾

木香

人參去蘆頭

桂心各半兩

黑牽牛炒微黃壹分

右件搗羅為末細白麩糊和丸如黍米大每服十粒煎生薑湯下量兒大小加減

溫胃丹 治腹痛啼哭不止

人參去蘆頭

白朮炮各壹兩

五味子

當歸洗焙乾

高良薑各半兩

木香壹兩

右件搗為細末白麩糊和丸如黍米大每服十粒

腹瀉寒痛

刀斗七

重

米飲下

橘香散

青橘皮炒

吳茱萸

木香

當歸洗焙乾

乾薑炮

丁香各半

右件搗羅為末每服一錢水八分一盞入生薑二片煎五分去滓放溫熱服食前

曾氏懷香湯

和脾胃進飲食理腹痛散邪氣

懷香炒

良薑剉碎用東壁土炒

蒼朮

米泔水浸一宿去麤皮薄切乾剉片炒至微黃色貳兩甘草炙壹兩

右剉焙為末每服一錢燒鹽湯空心調下

熱痛錢氏云熱痛亦啼叫不止夜發面赤唇焦小便

赤黃與三黃丸裏人參湯下

嬰孺治小兒腹痛天糾不能哺乳茯苓丸方

茯苓

黃連各壹兩

右為末用蜜為丸如大豆大飲下量加

積痛錢積痛口中氣溫面黃白目無精光或白睛多

及多睡畏食或大便酸臭者當磨積宜消積丸甚者

白餅子下之後和胃用白朮散消積丸白餅子方見

曾積痛腹中陰陰而痛面黃不食兒失者口吐酸

餒氣先治積滯後調脾胃其痛自止仍辨虛實和解

治法見後癥積條中

湯氏三稜散 治積氣肚痛

砂仁

甘草

三稜

蓬朮

益智炒去殼

青皮炒各等分

右為末白湯點下

丹溪云食積腹痛必用紫蘇萊菔子之類 初虞世

治小兒好喫粽成肚痛用黃連白酒藥等分為丸服

蟲痛蟲痛面眦白心腹痛口中沫及清水出發痛有

時田氏云蟲痛啼哭俛仰坐卧不安自按心腹時

時大叫面無正色或青或黃唇白又目無精色口吐

涎沫此為蟲痛。錢氏云積痛食痛虛痛大同小異

惟蟲痛者當口淡而沫自出治之隨其證用藥蟲與

癩相似小兒本怯故胃虛冷則蟲動而心痛與癩略

相似但目不斜手不搐也安蟲散主之。曾氏云蛇

蟲動痛口吐清水涎沫或吐出蟲痛不堪忍其疾因

食甘肥葷腥太早而得故胃寒蟲動作痛其蟲吐來

或生或死兒小者此痛苦甚亦致危難先以理中湯

吐瀉加烏梅水煎服使胃暖不逆次蘆薈丸非使君

子丸化蟲飲主之有兒大者面眦白而間黃色肉食

倍進肌體消瘦腹中時復作痛此有血鼈虻蟲雜乎

其間以二聖丸下之。又有胃受極寒極熱亦令蟲動或微痛或不痛遽然吐出法當安蟲為上若以治蟲及傷胃氣固不可也因寒而動者用理中湯加烏梅水煎服因熱而動者用吡咀五苓散亦加烏梅水薑煎投。辛氏女子五歲病蟲痛諸醫以巴豆乾漆硃砂之屬治之不效至五日外多哭而倦仰睡卧不安自按心腹時大叫面無正色或青或黃或白或黑目無光而慢唇白吐沫至六日胸高而卧轉不安召錢至錢詳視之用蕪荑散二服見目不除青色大驚曰此病大困若更加瀉則為逆矣至次日辛見錢曰

夜來三更果瀉錢於瀉盆中看如藥汁以杖攪之見有丸藥錢曰此子肌厚當氣實今證反虛不可治也辛曰何以然錢曰脾虛胃冷則蟲動而今反目青此肝乘脾又更加瀉知其氣極虛也而丸藥隨糞下即脾胃已脫兼形病不相應故知死病後五日昏篤七日而死

錢氏安蟲散 治小兒蟲痛

胡粉 炒黃

鶴虱 炒黃

川棟子 去皮核

白礬 枯貳錢半

右為細末每服一字大者五分米飲調下痛時服



治蟲動痛極不可忍用乾漆半兩檳榔壹枚生用窑  
老壹塊再煨細研三件一處為末空心熱酒調良  
久取下蟲立愈驗窑老恐窑中  
煨過泥物也  
又方用乾漆壹兩搗碎炒令煙盡出用新汲水入生  
麻油空心調下

錢氏安蟲丸 治上中二焦虛或胃寒蟲動及痛

乾漆炒烟盡 雄黃壹分 巴豆霜壹錢

右為細末糊丸如黍米大量兒大小服之取東引  
石榴根煎湯下或苦楝根或蕪荑湯下五七丸至  
二三十丸發時服

蕪荑散 主治同前凡小兒痛時便高聲啼叫人中

上鼻頭唇口一時黑色脈法當沉弱而弦今反脈  
大是蟲證也

白蕪荑 乾漆炒各  
等分

右為細末每服一字或五分或一錢米飲調下發  
時服

使君子丸 治腹內諸蟲作痛口吐清水

使君子薄切屋  
瓦煨乾 檳榔 酸石榴根皮東  
向

者佳洗到煨  
乾 大黃半生半炮  
各米錢半  
右除檳榔到曬不過火餘三味再焙同檳榔為末

沙糖水煮麪糊丸麻仁大每服三十丸至五十丸

淡豬肉汁空心下或雞肉汁亦好

化蟲飲 消化蟲毒在腹作痛

檳榔 酸石榴根皮淨洗焙乾各壹兩

紅丹 煨過 雷丸 貫衆如雞頭者佳

使君子肉薄切焙各貳錢半 甘草炙

枳殼去瓢煨 大黃各伍錢

右為細末用清油煎雞子一枚如春餅樣候冷抄藥末一錢於上攤勻空心捲而食之兒小者用糯米粉水煮糊丸粟穀大每服十五粒至三十粒以

淡豬肉汁空心下雞肉汁亦好

二聖丸 治腹內諸蟲及消穀逐水下氣去風

檳榔 壹兩 巴豆拾伍粒去殼膜心大者存油

右檳榔剉曬為末巴豆碎切在乳鉢內極細杵仍入檳榔末同再杵勻麪糊丸葉豆大每服七十七丸至九十九丸用溫茶清五更初空心止一投藥見蟲下盡進以稀粥自安

鎖肚漏曾一月後嬰孩忽乳不下咽肚硬如石赤如朱撮口而哭面青唇黑手足口氣俱冷是也始因斷臍帶不緊為風冷所乘證亦危急以白芍藥湯煎烏

梅散一字金臍風投之日久則難愈更參考臍風證

內議論

烏梅散 治腹疼及初生嬰孩臍下冷痛疝氣等疾

烏梅

去核

玄胡索

粉草

牛生半各

乳香

沒藥

釣藤

各錢半

右件咬咀每服二錢水一盞煎七分空心温服

盤腸內釣痛湯 小兒腹痛曲腰乾哭無淚面青白唇

黑肢冷為盤腸內釣凡有此證急煎葱湯淋洗其腹

揉之葱熨臍腹間良久尿自痛中出其疼立止續次

服藥

乳香

沒藥各少許透

右件木香一塊於乳鉢內磨水一分滾數沸調乳

沒末此藥只一服效

薛小兒盤腸氣者痛則曲腰乾啼額上有汗皆由肝

經風邪所搏也肝腎居下故痛則曲腰乾啼者風燥

其液故無淚也額上有汗者風木助心火也口閉足

冷者脾氣不營也下利青糞者肝木乘脾也皆由產

下濕洗受風冷所致當服釣藤膏之類若乳母及兒

受寒邪者用沉香湯之類若兒額間有汗口閉脚冷

乃虛寒也用當歸散見前或沉香降氣湯之類若面

腹痛

赤唇焦小便不通小腹脹痛者乃小腸熱也用人參

湯送下三黃丸裏熱若因乳母飲食停滯者用保和

丸宿食懷抱氣鬱者加味歸脾湯驚悸怒動肝火者

加味道遙散虛熱子母俱服竝佳

錢氏釣藤膏 治小兒腹中極痛乾啼後偃名盤腸

內釣

乳香研

沒藥研

木香

薑黃各肆錢

木鼈子仁貳拾壹箇

右先將後三味同為細末次研入上二味煉蜜和成劑收貯每一歲兒可服半皂子大餘以意加減

煎釣藤湯化下無時次用魏香散

魏香散

蓬朮半兩

阿魏壹錢

右先用溫水化阿魏浸蓬朮一晝夜焙乾為細末每服一字或半錢煎紫蘇米飲空心調下

蒜乳丸 治冷證腹痛夜啼

大蒜壹稜慢火燻香熟研爛

乳香另研伍分

右研為丸如芥菜子大每服七粒乳汁送下

異香散 治小兒諸般吊證角弓反張胸高臍凸

用透明沒藥一味為末薑湯調下

夏月發腹痛

刀針

百五

瘰癧痛會瘰癧痛乃積久所致由榮衛俱虛外則感受風寒內則過傷乳食停滯既久不能剋化故邪併於陰為癥陰則專靜凝而不移邪併於陽為瘰假物象形動而不息若久而不治亦成脾瘕積或兩脇間有塊如石按之則痛不按則輕或面黃肌瘦肚硬而脹及有青筋晝涼夜熱蒸潮無時乳食減少愛喫泥土或大便釀瀉痛則身冷如冰法當調脾養胃用醒脾散慢驚驚參苓白朮散食不乳磨積理疳用化癖丸癖三稜散宿食木香莪朮丸宿食治釀瀉沒石子丸瀉沉香檳榔丸癖積然此積滯之疾非七劑可療必須

次第調理則日久自然平復

瘰癧會始則腹內一小長塊其硬如簪從腰纏轉或左或右良久痛甚則見於皮下不妨乳食其證先因有疾表解未盡遽爾下之太過氣虛寒搏鬱結而成法宜益氣理虛用參苓白朮散食不乳沉香檳榔丸癖木香莪朮丸宿食為治或間投白芍藥湯加人參茯苓水薑煎服瘰癧治法詳瘰癧門按瘰癧瘰癧四證大同小異治法亦無大分別似不必瑣瑣作名亦可也吊腎偏墜痛證治在陰腫門

寒疝痛證治在疝門

**補虛芍藥甘草湯** 治出疹肚疼腹滿小便不通

芍藥 壹兩  
甘草 貳錢

右剉散白水煎服

**聖惠人參散** 治小兒卒吐下腹痛不止

人參 去蘆  
當歸 剉微炒 各半兩  
甘草 炙 壹分

乾薑 炮裂 剉 壹分  
黃耆 剉各 壹分  
細辛 壹分

右件藥搗麤羅為散每服一錢以水一小盞煎至五分去滓稍熱服量兒大小以意加減頻服

錢乙附方和中散 和胃氣止吐瀉定煩渴治腹痛

思食

人參 去蘆

甘草 剉炒

白扁豆 炒

白茯苓

乾葛 剉

藿香葉 各等分

白朮

黃耆

右為細末每服三錢水一盞乾棗二箇去核薑五片煎至八分食前溫服

**外治**莊氏家傳小兒未能語啼哭不能辨者當以手候其腹如有實硬處即是腹痛治之方研生薑取汁煖令溫調麪成糊塗紙上貼臍心立定

復痛補虛外治

百四

# 腹脹

錢腹脹由脾胃虛氣攻作也實者悶亂喘滿可下之  
 用紫霜丸白餅子此言未下而喘者為實故可下若誤下而喘者為虛氣附肺不可下也紫霜丸白餅子一方見癰不喘者虛也不可下若誤下之則脾  
 虛氣上附肺而行肺與脾子母皆虛肺主目胞腮之  
 類脾主四肢母氣虛甚即目胞腮腫四肢黃色治之  
 用塌氣丸漸消之未愈漸加丸數不可以丁香木香  
 橘皮荳蔻大溫散藥治之何以然脾虛氣未出故雖  
 腹脹而不喘可以溫散藥治之使上下分消其氣則

腹脹

方寸

三

腹脹

方寸

三

腹脹由脾胃虛氣攻作也實者悶亂喘滿可下之  
 用紫霜丸白餅子此言未下而喘者為實故可下若誤下而喘者為虛氣附肺不可下也紫霜丸白餅子一方見癰不喘者虛也不可下若誤下之則脾  
 虛氣上附肺而行肺與脾子母皆虛肺主目胞腮之  
 類脾主四肢母氣虛甚即目胞腮腫四肢黃色治之  
 用塌氣丸漸消之未愈漸加丸數不可以丁香木香  
 橘皮荳蔻大溫散藥治之何以然脾虛氣未出故雖  
 腹脹而不喘可以溫散藥治之使上下分消其氣則

愈矣若氣虛已出附肺而行即脾胃內弱每生虛氣入於四肢面目矣小兒易為虛實脾虛則不受寒溫服寒則生冷服溫則生熱當識此勿誤也胃久虛熱多生疸病或引飲不止脾虛不能勝腎隨肺氣上行於四肢而目腫若水狀腎氣漫浮於肺即大喘也此當用塌氣丸病愈後面未紅者虛衰未復故也此下故宜塌氣丸若未下而喘宜下之治腹脹者譬如行兵戰寇於林寇未出林以兵攻之必可獲寇若出林不可急攻則必有失當以意漸收之即順也寇未出林謂虛氣未出而不喘不目胞腫故可用丁香木香大溫散藥上下分消其氣而愈也寇已出林謂虛氣已出為喘為目胞腫須用

塌氣丸治小兒虛腹脹先服塌氣丸不愈腹中有食積結糞小便黃時微喘脉伏而實時飲水能食者可下之蓋脾初虛而後有積所治宜先補脾然後下之後又補脾即愈也不可補肺恐生虛喘

潔古腹脹虛實 凡久病吐瀉之後虛則其脉微細肺主目胞及腮脾主四肢若色淡黃目胞腮虛腫手足冷先服塌氣丸後服異功散和中丸四君子湯益黃散之類用諸溫藥養真氣異功散和中丸四君子湯三方並見吐瀉實則脉洪實不因吐瀉久病後亦不因痢下腹脹而喘急悶亂更有痰有熱及有宿食不化而腹脹者宜



服白餅子大黃丸解毒丸下之兼須詳認大小便如  
都不通先利小便後利大便白餅子方見癰疽解毒丸方見喉痺天黃丸方見傷寒雲岐云小兒熱結於內腹脹壯熱大便赤黃躁  
悶煩亂者宜瀉青丸

薛東垣云寒脹多熱脹少皆主於脾胃虛者宜用六  
君子湯若喘而氣短者脾肺氣虛也用異功散補之  
若服尅伐之類而喘脹益甚者脾肺之氣復傷也用  
前湯加半夏升麻若既下而不喘則邪氣去而肺氣  
寧也不必用藥或病久小便不利或四肢浮腫者脾  
肺之氣虛不能通調水道也用金匱加減腎氣丸主

之或手足逆冷睡而露睛脾胃虛寒也用六君子加  
炮薑手足不冷睡而露睛脾胃虛弱也用六君子湯  
若面色青木尅土也用六君子木香柴胡更當調治乳  
母節其飲食恐藥餌過劑復傷胃氣故也 一小兒  
腹脹面赤痰喘大便秘壯熱飲冷此形病俱實用紫  
霜丸一服諸證益甚面色頓白飲湯不絕余以為邪  
氣退而真氣復傷故面白而喜湯用白朮散大劑煎  
湯令恣飲良久而睡翼日頓安 一小兒傷食腹脹  
胸滿有痰余治以異功散而痊後復傷食腹脹兼痛  
或用藥下之痛脹益甚而加氣喘此脾胃傷而致肺

虛也用六君子加桔梗調補而痊 一小兒腹脹惡  
食發熱惡心證類外感余曰此飲食停滯也用保和  
丸一服諸證頓退惟腹脹用異功散而痊 一小兒  
傷食腹脹服剋伐之劑小便澀滯又服五苓散之類  
飲食漸減小便不通四肢頓腫余朝用金匱腎氣丸  
去附子夕用補中益氣湯而安 一小兒腹脹大便  
青白腹左一塊面色痿黃齒齲赤爛食少滯頤余用  
異功散調補中氣為主佐以大蕪荑湯清疳治熱月  
餘諸證稍愈仍服異功散及蚶蟆丸外貼阿魏膏兩  
月塊消左脇微痛用四君子湯九味蘆薈丸而愈

百問云有疳脹氣脹癥積脹鎖肚脹腕膈脹食膨脹  
虵脹虛冷積脹其疳氣積脹宜先與保童兼塌氣以  
去之其痞瘕氣脹癥積脹宜三稜以消痞其鎖肚脹  
宜與珍珠天麻丸以通之其上膈中脘食傷膨脹宜  
三稜塌氣大茱連丸以消磨之其虵脹宜下蟲丸以  
化之其虛冷積脹宜沉香煎以溫之以上諸證宜調  
和胃氣消磨通利腫脹必然平復矣如有熱者必以  
葶藶牽牛等輩以治之推氣丸劑亦可用 按百問  
分證雖詳而偏於攻下若無錢張活法薛氏補法以  
主之鮮不殺人慎之

虞塌氣丸

胡椒 壹兩

蝎尾 半兩

右為末糊丸如粟米大每服五七丸至一二十丸

陳米飲下無時 一方有木香壹錢

錢氏潔古所用塌氣丸乃此二味不可誤用後有

牽牛者慎之 本事調中丸 治小兒久傷脾胃腹脹

乾薑

橘紅

白朮

茯苓

木香

砂仁

官桂

良薑 各等分

右細末糊丸如麻子大每服一三十九丸食後熟水

下

聖惠治小兒脾虛腹脹不能乳食訶梨勒丸

訶梨勒 煨用

厚朴 去麤皮塗生薑汁炙令香熟

陳橘皮 湯浸去白焙各半兩

乾薑 炮裂

甘草 炙微

木香

白朮

人參 去蘆頭各壹分

右件藥搗羅為末鍊蜜和丸如麻子大每服以粥飲下五九日三四服量兒大小加減服之

張氏溫脾散 治脾胃虧損腹脇虛脹乳食不進困

復長走寒

刀斗七

三篇

倦無力

訶子肉

人參各米錢

白朮

木香

桔梗

茯苓

藿香

陳皮

黃耆各伍錢

甘草炙貳錢半

右每服二三錢薑棗水煎

冷積

沉香煎治脾氣冷積

乳香

沉香

丁香

杏仁炒

百草霜

木香各壹錢

肉豆蔻壹箇煨

巴豆拾肆粒出油如霜

疳

三因肥兒丸

治小兒病多因缺乳喫食太早所致

或因久患藏府胃虛蟲動日漸羸瘦腹大不能行髮豎發熱無精神

黃連

神麩各壹兩

麥芽炒半兩

木香貳錢

檳榔參箇不見火

使君子

肉豆蔻麩裏煨各半兩

右為末糊為丸如桐子大每服三二十九量見加減熟水吞下

復長冷積疳

刀針

新

六神丸 治如前證

丁香

木香

訶子

使君子

肉豆蔻

蘆薈

右為末以棗肉和丸如麻子大每服五丸至七丸  
溫米飲下食前

治小兒疳病或腹大

胡黃連

阿魏

神麩

黃連

麝香

右為末每服十二粒白木湯下

褐丸子 治疳腫脹

蘿蔔子

陳皮

青皮

檳榔

五靈脂

蓬木

黑牽牛

赤茯苓

木香

右為末麩糊丸菉豆大每服十五丸紫蘇葉或白

湯下

五疳保童丸

治五種疳疾

五倍子

青黛

夜明砂

苦楝根皮

蘆薈

熊膽

黃連

龍膽草

乾蟾

麝香 研入 蕪荑 取仁 蟬退 去土各等分  
右末用粟米糊為丸麻子大一歲兒二十九飯飲  
下二三服

幼科有丁奚哺露無辜等名其證腹大頸小黃瘦皆  
疳脹之異名也輕則為此重則為彼耳今仍舊別立  
門於疳後

氣楊氏塌氣散 治小兒腹脹氣喘體腫面浮

陳米 壹合 炒黃 青皮 去穰巴豆貳拾壹兩 粒炒黃色去巴豆  
甘草 炙各半兩 黑牽牛 貳錢半 生半炒  
肉豆蔻 貳箇 煨香

右末半錢米飲調下加檳榔壹箇

塌氣丸 治小兒疳氣腹脹喘急并面浮腫

丁香 胡椒 炒各伍錢 蘿蔔子 炒

白牽牛 各柒錢半

右為末麪糊丸小豆大三歲三十九米湯下

塌氣散 治小兒腹脹氣麤并疳疾相攻面自浮腫

木香 壹錢 青皮 半兩 巴豆 叁拾粒同炒豆黃色

右為末三歲半錢米湯下食前連進即效

分氣飲 治小兒腫脹作喘氣短而急

桔梗

桑白皮生

半夏麩

甘草炙各 貳錢

赤茯苓

大腹皮

真蘇子微炒

草果仁壹錢

陳皮

枳殼炒

紫蘇

右剉散每服一錢半薑棗煎服

癥積

三稜煎丸 治嬰孩食傷生冷甜膩毒熱等物脾胃積滯久不尅化令兒肚熱脚冷痞癖寒熱及癆瘵瘦中腕不和膨脹上膈氣壅心腹不得宣通所以作疾此藥溫良但是諸積滯食不化並宜與服

京三稜成塊 煮

蓬朮並炮各 半兩

芫花貳錢半 醋浸炒

蟹甲去裙米醋 炙焦半兩

淡豆豉貳錢

巴豆貳拾壹粒 去殼

川當歸半兩

杏仁去皮尖 貳錢 半炒令赤

右前四味一處以米醋一碗煮令乾仍用炒起更細剉焙為末次入當歸末杏仁巴豆淡豆豉和勻水煮麩糊為丸麻子大每服二十丸薑湯下大小加減服之

三稜丸 治小兒停積腹脇脹滿乾噦惡心全不入食

三稜煨

木香

神麩炒

陳皮去白

半夏薑汁製 各壹兩

丁香

官桂 各半兩

右為末，麩糊丸，如黃米大，二十丸，乳食後溫生薑湯下。

阿魏丸 治小兒食積腹如蜘蛛狀，肚痛小便白濁。

阿魏 醋浸一宿，研如泥 黃連 炒 連翹 各半兩

花碱 研如粉 山查肉 壹兩 半夏 皂角水浸一宿壹兩

右為末，炒神麩糊丸，如荀子大，每服二十丸，空心米飲下。喫果子多者加胡黃連，米食多者加神麩山查肉，食多者加阿魏。

又阿魏丸

阿魏 壹兩 黃連 酒煮陸兩

右為末，醋浸阿魏一宿，研如泥，湯浸蒸餅丸，如元氣不足，加入人參。

小阿魏丸

山查肉 叁兩 石碱 叁錢 半夏 壹兩

右為末，阿魏半兩，醋浸糊丸，白湯下。

**鎖肚** 真珠天麻丸 治急驚風，請量用之，以通為度。此方

仍治吊腸鎖肚撮口，至妙。丸如麻子大。初生患者，三日三丸，五日五丸，七日七丸，加青黛名青黛丸。

天南星 炮 天麻 白附子 炮各壹錢半

復長鎖肚



膩粉 半錢

巴霜 壹字

蕪荑 炒

全蝎

滑石 各壹錢半

右為末煮細麩糊丸如麻子大每服一歲五丸二歲十九丸大小加減薄荷湯點茶清送下

大茱連丸

治小兒飲食過度胸膈膨脹上下氣不宣通鬱滯迷悶情思少樂大則作喘飲食不化作渴煩躁坐卧不任肢體倦怠腹脇疼痛

食膨

蓬朮

京三稜 各貳錢半醋煮乾薑炮

青皮

陳皮 去白 木香

丁香 各叁錢

巴豆 貳拾壹粒去膜心出油

綠細小茱萸 貳錢

右為末醋糊丸麻子大每服七丸至十九丸大者加服生薑棗子湯下

蛔

下蟲丸 治蛔疳諸蟲

苦楝根皮 酒浸焙

綠色貫衆

木香

桃仁 浸去皮焙

蕪荑 焙

雞心檳榔 各壹錢

鶴蝮 炒

輕粉 各半錢

乾蝦蟇 炙焦錢

史君子 伍拾箇煨取肉用

右為末飛麩糊丸麻子大每服二十九天明清肉汁下內加當歸川連各貳錢半治脊疳兼疳勞

渴僊丹 治諸蟲取諸積

牽牛 叁斤

大腹子 貳斤

錫灰 多乾為末

大黃 肆兩

雷丸 肆兩

青木香

鶴蝨

乾漆 各貳兩

皂角 肆條

右後四味煎水用粟米煮粥初用牽牛末次用大腹末三用錫灰四用大黃五用雷丸六用青木香和劑丸如梧桐子大每服五七丸丸用薑湯熟水送下 此藥專治男子婦人積蟲氣塊五勞七傷赤白痢疾便血注下皮黃水腫十般氣十一般惡蟲又進飲食除病悅顏色不與他藥相友四季可

實者分氣消積

服細末三四錢量大小加減服時不喫晚飯三更用茶清下次早桶子內蟲積及粒米盡方可洗面溫粥補之傷寒孕婦不可服 東垣治脹不犯上下二焦用素問中滿者寫之於內之法實者分氣消積虛者升陽滋血治者當師其意而活用之勝前所用排擊諸方遠矣 中滿分消丸

黃連

枳實

厚朴 各伍錢

乾薑

薑黃

豬苓

砂仁

澤瀉

茯苓 各叁分

腹脹

陳皮

黃芩 壹兩 貳錢

白朮 各壹分

半夏 肆分

右為細末蒸餅為丸如黍米大每服三十九溫酒

送下

消痞丸 快利之劑

黃連 半兩

枳實

黃芩

甘草

人參 各壹錢

厚朴 柒分

乾薑 肆分

橘皮 壹錢

薑黃 伍分

右為細末蒸餅為丸如黍米大每服三十九隨乳下

丹腹脹

蘿蔔子

蘇梗

乾葛

陳皮 各等分

甘草 減半

如食減加白朮煎服

升陽滋血湯 二月間一小兒未滿百病腹脹不

大便二日便瘦弱遍身黃色宜升陽氣滋血和血

補血利大便

蝎稍 貳分

神麩 叁分

厚朴

當歸 各壹錢

桃仁 拾箇

升麻 叁分

右作一服水一盞煎至半盞去渣食前服

虛者 升陽 滋血

腹脹

麻黃升麻湯 治小兒面色痿黃腹脹食不下正月  
四月小兒服之神效

麻黃 貳分

桂枝

杏仁

吳茱萸

草豆蔻

厚朴

麴末

羌活

白茯苓

升麻根

蒼朮

澤瀉

豬苓

陳皮

黃檗 各壹分

柴胡根

白朮

青皮

黃連 各伍分

右咬咀作一服水一大盞煎七分去渣食前熱服

# 水腫

演山腫脹二證此由虛中有積久患失治日漸傳變  
證候多端隨輕重察盛衰審表裏以主治先固其本  
後正其標斯無恙矣 錢腫病腎熱傳於膀胱熱盛  
逆於脾胃脾虛而不能制腎水反剋脾土脾隨水行  
脾主四肢故流走而身尚皆腫也若加喘者重也何  
以然腎水勝而剋退脾土反勝心火心又勝肺肺為  
心剋故喘或問曰心刑肺肺本見虛今何喘實曰此  
有二一者肺大喘此五藏逆二者腎水氣上行傍侵

水腫

切詳

重

於肺故令大喘此皆難治

會氏治法

原腫病之由標本之疾腎主元氣天一之水生焉肺主冲化地四之金屬焉腎為本而肺為標皆至陰以積水其為病也腎者胃之關鍵關鍵不利樞機不轉水乃不行滲於脉絡皮膚而為浮腫當推究内外所因而為施治兒大者憑脉以明虛實古方有十種論證短氣不得卧為心水兩脇緊痛為肝水大便鴨澹為肺水四肢苦重為脾水腰痛足冷為腎水口苦咽乾為膽水乍虛乍實為大腸水腹急肢瘦為膀胱水

小便閉澀為胃水小腹急滿為小腸水然脉浮為風為虛沉伏為水病沉則脉絡虛伏則小便難即為正水脾脉虛大多作脾腫因循不治乃成水腫蓋脾屬土喜燥而惡濕常感濕氣濕喜傷脾血化為水土敗不能制水則停蓄不行留滯皮膚故作浮腫初得病時見眼胞早晨浮突至午後稍消以羌活散赤白疎解次醒脾散慢驚主之及間投南星腹皮散其脾冷困則燥以草果縮砂之類然此證夏與秋冬治之頗易惟春不然蓋四時之水無如春水泛溢兼肝木旺而脾土受尅不能受水所以難療進退不常須徐徐水重

調理取効。若脾熱而困，又以熱藥燥之，雖火能生土，亦可勝水，奈何燥之太過，土不敵火，則熱愈甚，而不食發熱，煩渴醫者又進之，以燥劑由此而面目轉浮，致脾敗而手足背皆腫，蓋手足背與臍凸，即脾之外候。有未經發表，遽用下藥以瀉之，則一瀉而腫消，乃曰得瀉之力，殊不知脾愈瀉而愈虛，不逾旬月，其腫如初。此世人只知瀉腫為最，而不求其十補勿一瀉之論。法當隨四時用藥，解表通利小便，春以七寶散傷寒，加麻黃、桂枝、赤茯苓、水薑、蔥煎服。夏以五苓散驚，加麻黃、車前子、薏苡仁、秋以清肺飲嗽，加羌活。

細辛、商陸、冬以沖和飲傷寒，加白朮、生川烏、赤小豆。已上三藥並用水薑、蔥煎，次投滋潤救脾導水湯劑。滲泄之乃為良法，更以香陸胃苓丸、赤蒼飲頓服，自然獲安。蓋內經云：開鬼門，發汗，潔淨府，利小便，平治權衡，以平為期，此之謂也。有初中便覺痰嗽氣喘，小水不通，正屬肺腎所主，先服解表散咳嗽，次以三白散為治。餘證輕者，投商陸丸，故經曰：其高者因而越之，即湧吐之義也；下者引而竭之，即滲泄之義也。凡得此病，非一朝一夕之故，不可以孟浪之藥求其速効，以致虛脫。如愈後再感外風，滿面虛浮，用排風。

湯驚癰和解仍服前救脾湯劑免致反復飲食之忌  
 惟鹽醬蠶鮓濕麪皆味鹹能溢水者併其他生冷毒  
 物亦宜戒之重則半載輕者三月須脾胃平復腫消  
 氣實然後於飲食中旋以燒鹽少投則其疾自不再  
 作故劉氏曰治腫非易補養尤難所忌者切須詳審  
 有經久不消者下濟川丸即效  
 南星腹皮散 主腫疾欲愈未愈之間脾胃虛慢氣  
 促痰喘腹脹胸滿飲減精神困小便不利面色痿  
 黃

南星 製壹兩

大腹皮 淨洗焙乾

生薑皮

陳皮 去白

青皮 去白

桑白皮 剉炒

甘草

扁豆 炒去殼各半兩

右碎每服貳錢水一盞薑二十片煎七分無時溫服  
 香陸胃苓丸 治腫疾日久不愈此藥大能實脾導

水多服取効

丁香 去梗

商陸

赤小豆

陳皮 去白

甘草 炙各貳兩

蒼朮 米泔水浸宿去麩

皮瀘乾剉片炒微黃色

澤瀉 去麩皮各貳兩半

赤茯苓 去皮

豬苓 去皮

白朮 各壹兩半

肉桂 去麩皮壹兩

厚朴 去麩皮用生薑汁炙令香熟貳兩

右除丁香肉桂不過火餘藥剉焙同二味為末同麩微炒水浸透煮糊丸葉豆大每服三十丸至五十丸或七十七丸空心溫湯下兒小者丸作粟穀大吞服之粒數引子並如前法

赤蒼飲

主脾胃因虛受濕面貌浮黃或遍身作腫

飲食減少氣不升降小便赤色肚膨脹咳嗽有痰及腫嘗服神効加草果仁炮過水薑棗煎投

赤茯苓

去皮

蒼朮

去麩皮米泔水浸一宿漉乾剉片炒微黃各壹兩半

枳殼

製壹兩

藿香

和根

半夏

湯煮透剉焙乾

淨香附

紫蘇

和梗

厚朴

去麩皮薑汁炙香熟

陳皮

去白各柒錢半

甘草

炙壹兩貳錢

右剉每服二錢水一盞薑二片煎七分無時溫服

三白散

解初中腫疾四肢膚囊浮脹大小便不利

皆因膀胱蘊熱風濕相乘

白牽牛

半生半炒杵碎

桑白皮

剉炒

白朮

木通

去皮節

陳皮

去白

甘草

各半兩

右碎每服二錢水一盞煎七分無時服

商陸丸

治水腫小便不通勿拘遠近

商陸

壹兩

淨黃連

半兩



右焙為末薑汁煮麩糊丸藜豆大每服三十九至

五十九用溫紫蘇熟水空心下或溫葱湯

瀋川丸

治

水腫及單腹滿脹氣促食減遍身面浮

大戟

芫花

醋炒

沉香

檀香

南木香

大腹皮

檳榔

蓬莪朮

曬研取生

乾洗焙

桑白皮

剉炒各半兩

黑白牽牛

木壹兩

巴豆

去殼膜心存油參拾

右除牽牛末巴豆外前丸味內有沉香檀香木香檳榔不過火餘五味焙乾同沉香等為末就加牽

牛末和勻巴豆碎切在乳鉢內極細杵入前藥末

同再杵勻水煮麩糊丸麻仁大每服十七丸濃煎

葱湯候溫五更初空心下去米末盡停一日減用

十三丸次減作九九再減至七丸湯使下法如前

證退即止仍投南星腹皮散如單腹腫甚能飲食

氣壯者加甘遂末同丸取效仍忌有甘草藥餌相

反

演山翁治法

受濕腫

脚手面

食毒氣腫

腹肚腎

傷寒虛氣入

腹腫

瀉痢虛氣入腹腫

此四種所患病不相同

水腫

初起

百集

皆由虛得之受濕謂脾胃受濕冷久不化氣浮四肢頭面皆腫食毒氣由脾胃傷之冷積毒氣停留胃腕致虛入腹作腫傷寒由下之太早乘虛入腹作腫瀉痢之久脾氣亦虛是以致腫以上宜平調胃氣補臟充實方可去腫先服四味理中無減半乾薑加白朮桑白皮同煎傷寒虛腫加枳實作喘加淡豆豉瀉痢虛腫服正氣調胃胃氣既壯以救生丹利之其腫即退再調補臟腑用觀音散即平復矣

氣虛腫亦名血虛腫榮衛俱虛腫亦名氣

小兒所患腫脹一門最為要急前人少有究竟然腫

脹之作皆由榮衛不順臟腑怯弱壅滯三焦流注百脈表裏俱虛邪正相亂所以致受四大浮盛腹肚膨滿多由食毒得之飲食得之癥傷得之饑飽得之積久不化故成斯病病由虛得或則妄亂通下因虛致虛根不得去疾加已盛是謂壞證危候智者怯而為辭庸者暴以攻擊二醫不同誠屬難治智者商之良者審之疑者塌之疑其病盛不可明者調之正榮衛也先調榮衛之順次服分氣飲子以散其滯斯病去矣榮衛飲子 調補嬰孩氣血俱虛榮衛不順四肢頭面手足俱浮腫以至喘急者並宜服之

水腫 卷之七 百七

川當歸 熟乾地黃淨洗 人參  
 白茯苓 川芎 白朮  
 甘草炙 白芍藥 枳殼炒別製  
 黃耆蜜炙 陳皮  
 右件等分咬咀每服二錢匕水一小盞煎至半盞  
 去滓通口不拘時候  
 議曰榮者血溫流行於脉衛者氣順調和於絡是  
 故榮行脉中衛行脉外陰陽相安循環無止自幼  
 至長不離呼吸無少滯礙其脉方調其氣乃順呼  
 吸之間脉不應息氣有違滯流注經絡隱伏臟腑

百病皆由茲始此方最良雖兒幼小並可與服以  
 壯其根使血榮氣衛順且和矣腑寒臟虛溫且壯  
 矣盈虧自然而平怯弱自然而正陰陽調均氣脉  
 充實何病之有

分氣飲子 調理小兒腫脹作喘氣短促急坐卧不  
 在四體浮腫飲食嘔逆神困喜睡

- 五味子
- 甘草炙
- 草果去殼
- 枳殼去穰切炒
- 桔梗
- 陳橘皮
- 大腹皮
- 川當歸
- 白茯苓
- 桑白皮
- 白朮
- 紫蘇

水鍾  
 切料  
 煎法

蘇子

半夏麴

右等分咬咀每服二大錢七水一小盞生薑二小片棗子半箇煎至半盞去滓通口不拘時候兼八味理中丸煎服以上宜用救生丹通利議曰清濁無混邪正不干上焦得之清涼下部受之溫煖氣滯則少升降血虛則多流注雖是乳子呼吸一息其脈之至徐徐應指不遺其數者亦同太人流行但隨小大受之短淺而已若也留滯其脈遲數即太過不及而病生焉善療治者鬱則分之逆則順之停則利之滯則降之調理之法先宜

順氣大抵嬰孩氣順即易治此方分氣與分水穀之分者不同明者察之

大効神功救生丹 治小兒氣虛喘息四肢浮腫肚腹脹急衝滿脇肋乍熱乍寒或瀉或秘皆由久停虛積榮衛不順宜用推去其惡毒之氣

雄黃 另研

朱砂 各壹分

巴豆 貳拾壹粒去殼

乾薑 貳錢

右件用米醋一盞以巴薑就煮令乾去薑不用將色出油和雄朱研勻雪糕搜丸如麻子大每一歲三丸並用酒浸赤芍藥以少許送下

薛氏治法

經曰至陰者腎水也少陰者冬脉也其本在腎其末在肺皆積水也又曰腎者胃之關也關門不利故聚水而從其類也上下溢於皮膚故肘腫腹大上爲喘呼不得卧者標本俱病也丹溪云惟腎虛不能行水脾虛不能制水胃與脾合又胃爲水穀之海因虛而不能傳化腎水泛濫反得以浸漬脾土於是三焦停滯經絡壅塞水滲於皮膚注於肌肉而發腫也其狀目胞上下微起肢體重着喘咳怔忡股間清冷小便澀黃皮薄而光手按成窟舉手卽滿是也古方有十

種論證又有濕氣毒氣傷寒後瀉痢後氣血虛者之五種及疝氣癥積鎖肚胸膈作膨蛔氣虛冷積者之七脹亦當詳之其受濕氣者由脾胃之氣敦阜四肢頭面皆腫也食毒者脾傷積毒停留於胃也傷寒下早者邪氣乘虛而入也瀉痢後者脾氣虛也皆宜先調胃氣次可治腫其患七脹皆由血氣不足臟腑怯弱表裏俱虛邪正相亂以致四肢浮腫腹肚膨滿亦當先調榮衛分別陰陽治法宜補中行濕利小便凡有熱者水氣在表也可汗之身無熱者水氣在裏也宜下之腰已上腫宜利小便腰已下腫宜發汗此仲

景之法也若遍身腫煩渴小便赤澀大便秘結此屬  
 陽水遍身腫不渴大便溏泄小便清利此屬陰水陽  
 水兼陽證者脉必浮數陰水兼陰證者脉必沉遲氣  
 若陷下宜用二陳加升提之藥如腹脹少加木香調  
 之若朝寬暮急屬陰虛朝用四物湯加參朮夕用加  
 減腎氣丸朝急暮寬屬陽虛朝用六君子湯夕用加  
 減腎氣丸朝暮皆急陰陽俱虛也用八珍湯主之真  
 陽虛者朝用八味地黄丸夕用補中益氣湯若肚腹  
 痞滿肢體腫脹手足並冷飲食難化或大便泄瀉呼  
 吸氣冷者此真陽衰敗脾肺腎虛寒不能司攝而水

泛行也急用加減腎氣丸否則不治准調補脾土多  
 有生者

金匱加減腎氣丸

熟地黄 捌兩

乾山藥

山茱萸 各肆兩

澤瀉

白茯苓

牡丹皮 各叁兩

肉桂

附子 炮

車前子 炒

牛膝 酒微炒各壹兩

右各另為末米糊丸小豆大每服三四十九空心  
 食前白湯下

附雜方

小重

刀針

三三

水腫

丹白文舉兒五歲身尚皆腫尿多

山梔炒

桑皮炒各壹錢

黃芩貳錢半

白朮

蘇梗各壹錢半

右咬咀作三貼水一盞半煎至半盞食煎溫服

湯退腫散氣方

赤小豆

陳皮

蘿蔔子

甘草炙各半兩

木香炮米分

右為麤末薑棗煎服大小加減

又方

白朮炒

木香炮

甘草炙

茴香炒

青皮各半兩巴豆參拾粒去膜同青皮炒去巴豆不用

右為末米飲調下

又方

用錢氏益黃散加木香去丁香加蘿蔔子去訶子

為末大小加減米飲調下

幼科證治準繩集之七

八厘

玄米

真

最大小吹...  
 用...  
 入六  
 米...  
 香...  
 青...



